
TOUAZIÈM CHAPIT
Moun-nan réponn Bondié

- 142 *Ak Révélation-l nan*, « Bondié yo pa kapab ouè-a poutèt débòdman charité-l la vîn palé tankou yon zanmi ak moun-yo épi li vîn viv avèk yo, pou-l kapab invité yo vîn nan kominion avèk li épi résévoua yo nan kominion sa-a » (DV 2). Lafoua-a sé répons ki konvab pou invitasion sa-a.
1102
- 143 *Palintèmediè lafoua-a*, moun-nan soumèt intèlijans-li ak volonté-l anplin bay Bondié. Ak tout sa-l yé moun-nan bay Bondié k-ap révéle tèt li-a, konsantman-l (cf. DV 5). Répons sa-a moun-nan bay Bondié k-ap révéle tèt li-a, Sint-Ékritu-a rélé-l « obéyisans lafoua-a » (cf. Rm 1,5; 16,26)
2087

1814-1816

ATIK 1
Mouin kouè

I. Osijè obéyisans lafoua-a

- 144 *Obéyi (ob-audire : aköz tandé-a) nan lafoua-a* sé soumèt pròp tèt-ou libréman bay paròl ou tandé-a, paské vérité-l garanti sot nan Bondié, li-minm ki vérité-a minm. Abraam sé yon modèl obéyisans sa-a Sint-Ékritu-a prezanté nou. Vièj Mari minm sé rélizasyon-l ki apouin nèt nan pi ro dégré.
- Abraam – « papa tout moun ki kouè-yo »**
- 145 Lèt pou Ébré-yo, nan gran éljè lafoua ansyin-yo, li insisté yon fason spésial sou lafoua Abraam-nan : « Gras a lafoua, Abraam *obéyi* sa-a ki té rélé-l la pou-l pati nan yon koté li té gin pou-l résévoua kòm éritaj, li pati san-l pa konnin ki koté l-apralé » (He 11, 8 ; cf. Gn 12, 1-4). Gras a lafoua, li viv tankou yon étranjé nan Tè yo té promèt li-a (cf. Gn 23, 4). Gras a lafoua, Sara résévoua pou-l poté nan vant pitit promès-la épi anfin Abraam té ofri sèl pitit li-a nan sakrifis (cf. He 11, 17).
59, 2570
489
- 146 Konsa, Abraam rélizé définision lafoua-a, sa lèt pou Ébré-yo transmèt-la : « Lafoua-a sé garanti sa n-ap espéré-yo, prèv sa-k pa parèt-yo » (He 11, 1). « Abraam kouè nan Bondié, épi yo konsidéré sa pou li

pou jistis-la » (Rm 4, 3 ; cf. Gn 15, 6). Ak « fòs li té pran nan lafoua-a » (Rm 4, 20), Abraam vîn tounin « papa tout moun ki kouè-yo » (Rm 4, 11. 18 ; cf. Gn 15, 5).

147 Ansyin Téstaman-an plin ak témouagnaj lafoua sa-a. Lèt pou Ébré-yo
839 proklamé èlòj modèl lafoua-a koté « ansyin-yo té jouinn témouagnaj » (He 11, 2. 39). Poutan, « Bondié té prévoua kichòy ki pi bon pou nou » : sètadi lagras pou nou té kouè nan Pitit li-a « ki sous lafoua nou-an é ki fè-l vîn kòrèk nèt » (He 11, 40 ; 12, 2).

Mari – « Ala kontantman pou sa-a ki té kouè-a »

148 Mari ki Vièj réalizé nan fason ki pi apouin nèt-la obéyisans lafoua-a.
494, 2617 Nan lafoua, li résevoua anons épi promès Anj Gabrièl té poté-a, antan-l kouè « anyin pa inposib kot Bondié » (Lc 1, 37 ; cf. Gn 18, 14), épi antan-l bay konsantman-l : « Min sèvant Granmèt-la ; sé pou sa fèt pou mouin dapré paròl ou-a » (Lc 1, 38). Élizabèt té salué-l ak paròl sa-yo : « Ala kontantman pou ou minm ki té kouè sa Granmèt-la té di-ou yo t-ap réalizé » (Lc 1, 45). Sé poutèt lafoua sa-a tout jénérasyon-yo ap proklamé kontantman-l nan (cf. Lc 1, 48).

149 Pandan tout déroulman lavi-l, épi jous nan dènié éprèv li-a (cf. Lc 2,
969 35), lè Jézu, pitit li-a, té mouri sou koua-a, lafoua-l pa-t tranblé. Mari pa sispann kouè paròl Bondié-a « té gin pou réalizé ». Sé poutèt sa l'Égliz-la vénéré nan Mari réalizasion lafoua-a ki pi nèt-la.
507, 829

II. « Mouin konnin réyèlman nan kilès mouin kouè » (2 Tm 1, 12)

Kouè nan Bondié sèlman

150 Lafoua-a sé toudabò *reté* moun-nan *reté kolé pèsonèlman nan Bondié* ;
min an minm tan épi san séparasion posib sé *yon konsantman lib li bay tout vérité-a Bondié révéle-a*. Lafoua krétyin-an, nan mézi li sé yon rété kolé pèsonèlman nan Bondié épi yon konsantman bay vérité li-minm li révéle-a, li diféran parapò a lafoua nan yon moun kòm moun. Sa bon épi sa kòrèk pou fè Bondié konfians anplin épi pou kouè san kondision (absolument) nan sa li-minm li di. Sé t-a pèdi tan épi yon érè pou ta mété yon lafoua konsa nan yon kréatu (cf. Jr 17, 5-6 ; Ps 40, 5 ; 146, 3-4).
222

Kouè nan Jézu-Kri, Pitit Bondié-a

151 Pou krétyin-an, kouè nan Bondié pa kapab séparé ak kouè nan sa-a li-minm li té voyé-a : Pitit li-a li rinmin-an, koté li jouinn plézi-l (cf. Mc 1, 11) ; Bondié té di nou pou nou kouté Pitit li-a (cf. Mc 9, 7). Granmèt-la li-minm té di disip li-yo : « Sé pou nou kouè nan Bondié, épi kouè nan mouin minm tou » (Jn 14, 1). Nou kapab kouè nan Jézu-Kri paské li-

424 minm li sé Bondié, Paròl-la ki tounin chè : « Bondié, pèsonn pa janm ouè-
l ; Sèl Pitit-la, ki nan vant Papa-a, li minm li montré-l » (Jn 1, 18). Paské
« li ouè Papa-a » (Jn 6, 46), sé li-minm sèl ki konnin-l épi ki gin pouvoua
pou révéle-l (cf. Mt 11, 27).

Kouè nan Éspri-Sin-an

152 Li inposib pou yon moun kouè nan Jézu-Kri, si sé pa antan-l patisipé
243, 683 nan Éspri li-a. Sint-Éspri-a réyèlman révéle moun-yo kilès Jézu yé.
Réyèlman « Pèsonn pa kapab di : “Granmèt Jézu”, si sé pa nan Éspri-Sin-
an » (1 Co 12, 3). « Sèké Éspri-a sondé tout bagay, jous profondè Bondié.
[...] Bagay Bondié yo, pèsonn pa konnin yo, sof Éspri Bondié-a » (1 Co
2, 10-11). Sé Bondié sèl ki konnin Bondié anplin. Nou kouè *nan* Sint-
Éspri-a, paské li sé Bondié.

232 *L'Égliz-la pa sispann déklaré lafoua-l la nan yon sèl Bondié-a, Papa-
a, Pitit-la ak Éspri-Sin-an.*

III. Osijè karakteristik lafoua-a

Lafoua-a sé yon gras

153 Lè sin Piè té déklaré Jézu sé Kris-la, Pitit Bondié vivan-an, Jézu di-l
552 byin klè révélation sa-a pa-t soti nan chè-a ak san-an, min nan Papa-l « ki
nan sièl-yo » (Mt 16, 17 ; cf. Ga 1, 15 ; Mt 11, 25). Lafoua-a sé yon kado,
yon don Bondié, yon vètu Bondié vidé nan nou ki dépasé fòs natirèl-nou
(surnaturel). « Pou moun-nan kapab gin lafoua sa-a, li bézouin lagras
1814 Bondié-a ki vîn anvan épi k-ap édé-l épitou sékou Éspri-Sin-an sou
1996 paranndan k-ap pousé kè-a pou-l konvèti nan Bondié (tounin viré vîn
2606 jouinn Bondié), k-ap ouvri jé léspri-a épi k-ap bay “tout moun dousè nan
konsanti épi kouè vérité-a” » (DV 5).

Lafoua-a sé yon akt moun-nan kòm moun

154 Li pa posib pou yon moun kouè si sé pa ak lagras-la épi sékou Éspri-
1759 Sin-an sou paranndan. Minm jan-an tou sé vré, kouè-a sé yon akt moun-
nan kòm moun tout bon. Sa pa kontrè ni ak libèté moun-nan ni ak
intèlijans-li pou-l kouè Bondié épi pou-l rété kolé sou vérité Bondié
révéle-yo. Minm nan rélasyon ant moun, sa pa kontrè ak pròp dignité-nou
pou kouè sa lòt moun-yo di osijè pròp tèt yo épi osijè intansyon yo, épi
pou gin konfians nan sa yo promèt (tankou lè yon gason ak yon fi antré
nan mariaj-la), pou konsa yo antré an kominion youn ak lòt. An
2126 konsékans sa mouins kontrè toujou ak dignité-nou « pou nou soumèt
intèlijans-nou ak volonté-nou anplin bay Bondié k-ap révéle tèt li-a » (Cc.
Vatican I : DS 3008) épi konsa pou nou antré nan yon kominion intim
avèk li.

155 Nan lafoua-a, intèlijans ak volonté moun-nan kolaboré ak lagras
2008 Bondié-a : « Kouè sé yon akt intèlijans-la ki bay vérité Bondié-a konsantman-l poutèt kòmandman volonté-a Bondié mété an mouvman palintèmediè lagras-la » (S. Thomas d'A., s. th. 2-2, 2, 9 ; cf. Cc. Vatican I : DS 3010).

Lafoua-a épi intèlijans-la

156 *Rézon, motivasion*, pou kouè-a sé pa paské vérité yo révéle-yo sanblé
1063 yo vré épi konpréansib pou limiè rézon natirèl-nou. Nou kouè « poutèt
2465 otorité Bondié li-minm k-ap révéle-a, ki pa kapab ni tronpé-l ni tronpé nou ». « Poutan, pou lafoua nou-an t-a kapab yon « soumission ki konfòm ak rézon-an », Bondié té vlé pou ansanm avèk sékou Éspri-Sin-an sou paranndan vîn gin prèv Révélasion li-an sou déyò tou » (ibid., DS 3009).
548 Konsa mirak Kris-la épi sin-yo té fè (cf. Mc 16, 20 ; He 2, 4), profési-yo,
812 dévlopman l'Égliz-la ak viv sin nan li-a, frui li donnin épi stabilité-l « sé sign ki asiré nan pi ro degré pou Révélasion-an épi ki adapté ak intèlijans tout moun », motivasion pou moun-nan kapab kouè-a montré « konsantman lafoua-a pa yon mouvman avèg pou léspri-a » (Cc. Vatican I : DS 3008-3010).

157 Lafoua-a *asiré*, pi asiré pasé tout konésans moun-nan ginyin, paské li
gin fondman nan Paròl Bondié-a li-minm, ki pa kapab bay manti. Sètènman vérité yo révéle-yo kapab parèt fènoua pou rézon-an épi ékspérians moun-nan, min « asirans palintèmediè limiè Bondié-a pi gran pasé sa-k vîn palintèmediè rézon natirèl-la » (S. Thomas d'A., s. th. 2-2,
2088 171, 5, obj. 3). « Dimil difikilté pa fè yon dout » (Newman, apol.).

158 « Lafoua-a *ap chèche konprann* » (S. Anselme, prosl. proœm. : PL
2705 153, 225A) : sa fè pati lafoua-a minm pou moun ki kouè-a souété konnin pi byin nan kilès li mété konfians li-a épi pou-l konprann pi byin sa Bondié té révéle-a ; yon konésans pi afon sou bò pa moun ki kouè-a fè lafoua-l grandi, fè difé rinmin-an boulé pi plis. Gras lafoua-a ouvri « jé
1827 kè-a » (Ep 1, 18) pou yon konpréansion ki pi vif parapò a sa-k nan Révélasion-an, sètadi yon konpréansion ki anbrasé projè Bondié-a ak mistè lafoua-yo, nan jan yo konékté youn ak lòt épi avèk Kris-la ki pouin santral mistè révélasion-an. « Pou konpréansion Révélasion-an kapab vîn
90 pi afon minm, [...] Éspri-Sin-an ap pèféksioné lafoua-a san rété ak kado-l yo » (DV 5). Konsa dapré paròl sint Ogustin-an : « Sé pou konprann pou-ou kouè : sé pou-ou kouè pou konprann » (serm. 43, 7, 9 : PL 38, 258).

159 *Lafoua-a épi sians-la*. « Minm si lafoua-a anlè rézon-an, pa gin okinn
283 dézakò ki kapab égzisté ant lafoua-a ak rézon-an : paské sé minm Bondié-a ki révéle mistè-yo épi ki vidé lafoua-a, ki té mété limiè rézon-an nan nanm moun-nan, min Bondié pa kapab niè pròp tèt-li ni non plis vérité-a pap janm kapab kontrédi vérité-a » (Cc. Vatican I : DS 3017). « Sé poua, réchèch metodik-la nan tout disiplîn-yo, si yo vrèman fè-l yon fason

2293 siantifik épi dapré prinsip moral-yo, li pap janm vrèman kontrè ak lafoua-a, paské réalité profàn-yo ak réalité lafoua-yo sé nan minm Bondié-a yo pran orijîn yo. Plis toujou, moun k-ap fè éfò pou pèsé sékrè réalité-yo ak yon léspri ki gin umilité ak pèsévérans, minm si li pa konsian sa, sé tankou sé min Bondié k-ap kondui-l, paské antan l-ap soutni tout réalité-yo, sé li ki fè yo sé sa yo yé-a » (GS 36, § 2).

Libèté lafoua-a

160 Pou répons lafoua-a korésonn a sa moun-nan yé, « sa kapital [...] moun-nan doué réponn Bondié volontèman antan-l kouè ; an konsékans yo pa kapab fòsé pèsonn anbrasé lafoua-a si-l pa vlé. Réyèlman akt lafoua-a volontè poutèt natu-l minm » (DH 10 ; cf. CIC, can. 748, § 2). « Sètènman Bondié rélé moun-yo pou yo sèvi-l nan éspri ak vérité, sé poua apèl sa-a oblijé konsians moun-nan, min li pa fòsé-l. [...] Sa parèt nan pi ro pouin nan Kris Jézu » (DH 11). Réyèlman Kris-la invité nan lafoua épi nan konvèsion-an, min li pa janm fòsé moun nan okinn fason. « Li rann vérité-a témouagnaj, min li pa-t vlé sèvi ak fòs kont moun ki t-ap di lékontrè-yo. Rouayòm li-a réyèlman [...] grandi [...] ak rinmin-an, sé avè-l Kris-la ki lévé sou koua-a ap ralé moun-yo vîn jouinn li » (DH 11).

616

Nésésité lafoua-a

161 Kouè nan Jézu Kris-la épi nan Sa-a ki voyé-l pou sovè nou-an, sa nésésé pou rivé sovè (cf. Mc 16, 16 ; Jn 3, 36 ; 6, 40 e.a.). « Sèké “san lafoua-a yo pa kapab fè Bondié plézi” » (He 11, 6) épi rivé fè pati piti li-yo, sé poua pèsonn moun pa janm jistifié san li épi pèsonn, sof si-l « pèsévéré jouskalafin » ladan-l (Mt 10, 22 ; 24, 13) pap rivé jouinn lavi pou tout tan-an (Cc. Vatican I : DS 3012 ; cf. Cc. Trente : DS 1532).

432, 1257

846

Pèsévérans nan lafoua-a

162 Lafoua-a sé yon kado gratis Bondié bay moun-nan. Nou kapab pèdi kado san pri sa-a ; sin Pòl avèti Timoté sou sa : « Avètisman sa-a, mouin prezanté-ou li, [...] pou-ou batay nan yo bon batay-la, antan-ou gin lafoua ak bon konsians, kèk antan yo réjité-l, yo échoué nan lafoua-a » (1 Tm 1, 18-19). Pou nou kapab viv, grandi épi pèsévéré jouskalafin nan lafoua-a, nou doué nouré-l ak Paròl Bondié-a ; nou doué priyé Granmèt-la pou-l ogmanté-l nan nou (cf. Mc 9, 24 ; Lc 17, 5 ; 22, 32) ; li doué travay « ak charité-a » (Ga 5, 6 ; cf. Jc 2, 14-26), éspérans-la doué soutni-l (cf. Rm 15, 13) épi li doué anrasinin nan lafoua l'Égliz-la.

2098

1037, 2016, 2573, 2849

Lafoua-a – kòmansman lavi pou tout tan-an

163 Lafoua-a fè nou kòm gouté davans kè kontan ak limiè vizion béatifik-la ki aboutisman pèlerinaj nou-an sou tè sa-a. Lè sa-a n-ap ouè

- 1088 Bondié « fas-a-fas » (1 Co 13, 12), « jan li yé-a » (1 Jn 3, 2). Sé poutèt sa lafoua-a sé déjà kòmansman lavi pou tout tan-an :
- « Nan promès byin yo dépozé nan nou-yo, sa n-ap tann n-ap gin pou nou joui-yo palintèmediè lafoua-a, déjà sé kòmsi yo té la, n-ap kontanplé lagras-la tankou nan yon glas » (S. Basile, Spir. 15, 36 : PG 32, 132 ; cf. S. Thomas d'A., s. th. 2-2, 4, 1).
- 164 Koulié-a minm « sé nan lafoua n-ap maché, sé pa nan vizion » (2 Co 5, 7), épi nou konnin Bondié « tankou nan glas an parabòl [...], an pati » (1 Co 13, 12). Minm si lafoua-a plin limiè poutèt Sa-a nou kouè nan li-a, 2846 anpil foua lavi lafoua-a fènoua. Lafoua-a kapab sibi éprèv. Tè-a n-ap viv ladan-l nan, anpil foua sanblé byin louin parapò a sa lafoua-a ba nou 309, 1502 asirans-la ; ékspérians mal-la ak soufrans-la, kantité injistis ak lanmò 1006 sanblé yon kontradiksyon pou Bòn Nouvèl-la ; yo kapab sékoué lafoua-a épi tounin tantasion.
- 165 Lè sa-a, nou doué viré nan diréksion *témouin lafoua-yo* : nan diréksion Abraam « li-minm ki kont éspérans sou éspérans li té kouè » (Rm 4, 18) ; nan diréksion Mari ki Vièj-la, li-minm « nan pèlerinaj lafoua-a » (LG 58), li té alé jous nan « nuit lafoua-a » (Jean-Paul II, RM 17) antan-l patisipé 2719 nan toumant Pitit li-a sou koua-a épi nan lannuit tonbo-l la (Jean-Paul II, RM 18) ; épi nan diréksion kantité lòt témouin lafoua-yo : « Nou minm ki vlopé ak yon pakèt foul moun k-ap sèvi Jézu témouin, sé pou nou lagé tout chaj ak péché k-ap antravé nou, pou nou kouri avèk pasians nan batay-la ki paré pou nou-an, antan n-ap gadé Jézu ki sous lafoua nou-an é ki fè-l vîn kòrèk nè » (He 12, 1-2).

[◀Atik
anvan-an](#)

[Gid jénéral-la](#)

[Atik▶
apré-a](#)